

**JAVNA USTANOVA
«DOM ZDRAVLJA»
ZAVIDOVIĆI
-UPRAVNI ODBOR-**

Broj:01-1.05-1974/21

Datum:24.6.2021. godine

Na osnovu člana 69. stav 1. tačka b) i stava 2. tačka e), a u vezi sa članom 70. stav 4. Zakona o javnim nabavkama BiH („Službeni glasnik BiH“, broj 39/14), te člana 38. Statuta JU «Dom zdravlja» Zavidovići, Upravni odbor JU «Dom zdravlja» Zavidovići, na svojoj 10. sjednici održanoj dana 24.06.2021. godine, donosi

O D L U K U
o poništenju postupka javne nabavke

Član 1.

PONIŠTAVA se postupak javne nabavke broj: **638-7-1-190-3-20/21** od 28.05.2021. godine za nabavku **štampanog kancelarijskog materijala** za JU «Dom zdravlja» Zavidovići u količini potrebnoj za 12 mjeseci, iz razloga što je cijena jedine prihvatljive ponude znatno veća od osiguranih sredstava za predmetnu nabavku, odnosno od procijenjene vrijednosti predmetne javne nabavke koja iznosi 11.500,00 KM bez PDV-a.

Član 2.

Najniža prihvatljiva ponuda ponuđača **Svjetlost-BH print d.o.o. Sarajevo** iznosi 16.459,19 KM bez PDV-a i veća je za 43,12 % od procijenjene vrijednosti predmetne nabavke.

Član 3.

Ova odluka stupa na snagu danom donošenja.

Obrazloženje

Obavještenjem o nabavci broj: **638-7-1-190-3-20/21** od 28.05.2021. godine pokrenut je konkurentski zahtjev za dostavu ponuda za nabavku **štampanog kancelarijskog materijala** za JU «Dom zdravlja» Zavidovići.

Poziv za preuzimanje tenderske dokumentacije sa portala javnih nabavki, odmah po objavljivanju obavještenja o nabavci na portalu javnih nabavki, upućen je istovremeno trojici ponuđača i to: Planjax d.o.o. Tešanj, Di-namik d.o.o. Zavidovići i Kemax d.o.o. Zavidovići.

Tendersku dokumentaciju za predmetnu nabavku sa portala javnih nabavki preuzelo je 12 ponuđača i to: GRAFIČAR, BBS EUROPE, EKAPIJA DOO, LIBER GRAF DOO, PLAN PLUS D.O.O., OCTOPRINT, PRINT-GS DOO, KEMAX DOO, DI-NAMIK D.O.O. ZAVIDOVIĆI, UL STJEPANA RADICA BB, "SVJETLOST-BH PRINT" D.O.O. SARAJEVO, BURGIĆ-PROM D.O.O. i "S&H" ŠTAMPARIJA I RAČUNARI.

Na adresu JU Dom zdravlja Zavidovići dostavljene su dvije ponude i to: Svjetlost-BH print d.o.o. Sarajevo i Di-namik d.o.o. Zavidovići.

Komisija za javne nabavke izvršila je otvaranje ponuda 09.06.2020. godine u Sali za sastanke JU «Dom zdravlja» Zavidovići u 09:15 sati, kao što je naznačeno u tenderskoj dokumentaciji i obavještenju o nabavci.

Nakon pregleda dostavljenih ponuda utvrđeno je da je ponuda ponuđača Svjetlost-BH print d.o.o. Sarajevo prihvatljiva, a da je ponuda ponuđača Di-namik d.o.o. Zavidovići neprihvatljiva ponuda, jer ne **ispunjava zahtjeve iz tenderske dokumentacije**.

U tački 4. PRIPREMA PONUDA, podtačka 4.3. tenderske dokumentacije br. 01-2.12-1557/21 od 28.05.2021. godine za nabavku štampanog kancelarijskog materijala za JU «Dom zdravlja» Zavidovići u količini potrebnoj za 12 mjeseci, propisano je:

„**4.3.** Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. **(Pod čvrstim uvezom se podrazumjeva da ponuda mora biti uvezana/ukoričena u knjigu ili da ponuda bude prikladno uvezana i osigurana jemstvenikom čija su oba kraja na prvoj ili posljednjoj stranici pričvršćena utisnutim žigom ili naljepnicom ovjerenom pečatom dobavljača, a u svrhu izbjegavanja manipulisanja stranicama ponude)** Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude.“

Ponuđač Di-namik d.o.o. Zavidovići dostavio je ponudu spojenu heftaricom, što se ne može smatrati čvrsto uvezanom ponudom na način koji omogućava izbjegavanje manipulisanja stranicama ponude.

Dostavljena ponuda ponuđača Di-namik d.o.o. Zavidovići nije uvezana/ukoričena u knjigu ili prikladno uvezana i osigurana jemstvenikom čija su oba kraja na prvoj ili posljednjoj stranici pričvršćena utisnutim žigom ili naljepnicom ovjerenom pečatom dobavljača, a u svrhu izbjegavanja manipulisanja stranicama ponude, te se kao takva ne može smatrati pravilno pripremljenom ponudom u smislu tačke 4. PRIPREMA PONUDA, podtačka 4.3. tenderske dokumentacije.

Uvidom u ponudu ponuđača Di-namik d.o.o. Zavidovići, dostavljenu na naprijed opisani način, utvrđeno je da ista ne ispunjava niti uslov propisan tačkom **“2.USLOVI ZA KVALIFIKACIJU I POTREBNI DOKAZI**, podtačka 2.3. tenderske dokumentacije, u pogledu dokaza pod tačkom a), koji glasi:

„**2.3. Ponuđač je dužan u svrhu dokazivanja tehničke i profesionalne sposobnosti (član 48. i 49. ZJN) dokazati da :**

a) Da je predhodnu godinu dana (računajući od dana objave obavještenja o nabavci) uredno izvršavao ugovore o isporuci štampanog kancelarijskog materijala.“

Tenderskom dokumentacijom, propisano je da je ponuđač dužan u svrhu dokazivanja tehničke i profesionalne sposobnosti, dostaviti:

„a) Spisak izvršenih ugovora za predhodnu godinu dana, uz najmanje dvije potvrde (sa sadržajem potvrde propisanim Zakonom o javnim nabavkama) koju izdaje druga ugovorna strana o njihovoj realizaciji. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju“

Ponudlač Di-namik d.o.o. Zavidovići nije dokazao da je predhodnu godinu dana (računajući od dana objave obavještenja o nabavci) uredno izvršavao ugovore o isporuci štampanog kancelarijskog materijala, obzirom da je u ponudi dostavio dvije potvrde, od kojih jedna ne obuhvata period predhodnih godinu dana (računajući od dana objave obavještenja o nabavci).

Naime, dostavljena „potvrda Armani trade d.o.o. Žepče, o uspješno izvršenom ugovoru u 2020. godini -original“, odnosi se na period od 01.02.2020. od 01.05.2020. godine, a obavještenje o nabavci u predmetnom postupku objavljeno je 28.05.2021. godine.

Imajući u vidu navedeno, ponudlač nije dostavio kvalifikacionu dokumentaciju na način propisan tenderskom dokumentacijom.

Članom 57. (Priprema ponude) stav 1. Zakona o javnim nabavkama („Službeni glasnik BiH“, broj 39/14), propisano je:

„(1) U postupku javne nabavke kandidat/ponudlač pridržava se zahtjeva i uslova iz tenderske dokumentacije.“

Imajući u vidu navedeno, komisija je utvrdila da **ponudlač Di-namik d.o.o. Zavidovići nije dostavio ponudu u skladu sa članom 8. (Priprema ponude) stav 2. Uputstva za pripremu modela tenderske dokumentacije i ponuda („Službeni glasnik BiH“, broj: 90/14), odnosno nije dostavio ponudu na način kako je to traženo u tački IV – PRIPREMA PONUDA, podtačka 4.3. Tenderske dokumentacije, a u vezi sa članom 57. stav 1. Zakona o javnim nabavkama („Službeni glasnik BiH“, broj 39/14).**

Usljed utvrđenog činjeničnog stanja, **ponuda ponudlača Di-namik d.o.o. Zavidovići odbacena je shodno članu 68. stav 4. alineja i), jer ista ne ispunjava zahtjeve iz tenderske dokumentacije.**

U postupku pregleda i ocjene ponuda utvrđeno je da je ponuda ponudlača **Svjetlost-BH print d.o.o. Sarajevo** jedina prihvatljiva ponuda i da cijena iste iznosi 16.459,19 KM bez PDV-a.

Procijenjena vrijednost predmetne javne nabavke, iskazana u Planu javnih nabavki za 2021. godinu, broj: 01-1.02-1070/21 od 29.04.2021. godine i Odluci o javnoj nabavci roba broj: 01-2.10-1309/21 od 29.04.2021. godine, iznosi 11.500,00 KM bez PDV-a, a cijena jedine prihvatljive ponude iznosi 16.459,19 KM bez PDV-a, što predstavlja razliku u cijeni u procentu od 43,12 %.

Usljed postojećeg činjeničnog stanja, Komisija za javne nabavke predložila je da se poništi postupak javne nabavke **štampanog kancelarijskog materijala** za JU «Dom zdravlja» Zavidovići, na osnovu člana 69. stav (2) tačka e) Zakona o javnim nabavkama, iz razloga što je cijena jedine prihvatljive ponude znatno veća od osiguranih sredstava za predmetnu nabavku.

Članom 69. stav (2) tačka e) Zakona o javnim nabavkama propisano je da je ugovorni organ obavezan poništiti postupak javne nabavke u slučaju da su cijene svih prihvatljivih ponuda znatno veće od osiguranih sredstava za predmetnu nabavku.

S obzirom na naprijed utvrđeno činjenično stanje odlučeno je kao u dispozitivu Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

DOSTAVLJENO:

1. Svjetlost-BH print d.o.o. Sarajevo
2. Di-namik d.o.o. Zavidovići
- 3.a/a

**PREDSJEDNIK
UPRAVNOG ODBORA:**
Mehić Elvir, dipl. pravnik

